

Takwarharatstenni
Skennen kowa taiakionnheke;
Enbontsenpaonni
Ratinekeron okonha.
Seron : aionkiwennarakwake
Iakinonkwe nok ionkiiienha
Onwentsiake.

Shenoronkwake
Onwentsiake sekon sisesake
Akwekon nonkwe;
Senha tenhnon ratiksaakonha
Ne karihonni satonbakwe :
Tosa tēhatikanerake
Ne kariwaksen.

Rononha kati
Raotiriwa akenhake
Ne rotikstenha
Eniontkaronni ratiksa;
Okstentsi, ioianerekwe
Iahentahonennakeraton
Ne rotikstenha.

Kanoron kati
Ionkitenronne ionkiiienha
Kariwanoron,
Ise swaronhiakehronon,
Takwaienawasehek kati
Tsinikon sonkwarihonnienni
Ne Rawennio.

Takwaianerentak
Nok takwanikonbrahniratsek
Nonkwawatsira;
Takwawatsiranoronston
Aionkiwennarakonhatie
Othenon sonkwatenientense
Ne Rawennio.

Iahen taonton
Iahentaskwawennarakwake,
Sewennio,
Aseken takwatenientense
Aiakiiienawaseheke
Aiakiiaterennaienhase
Ne ionkiiienha.

Karennakaion.

Tsionkweokon, swanikonraratiesek
Nahoten onte wakarihonni
Onkwe iakotonhon nonwentsiake?
Nahoten raweron sonkwaiatison?

Ne wakarihonni onkwe wahaton
Ne tsi raweron ne Rawennio
Tokenske atsitewanonwehake,
Tokenske atsitewasennaien.

Iah ken tsi swatieren tsi sonkwann-
haon
Ne rawen : takwasennaientak?
Katiken othenon roiewas Niio
Akwekon sesonkwaseronnienni?

Rorōnhison bok raonwentsion
Roniatarison ioniatarakare;
Roson onitewaks nok ne tewakwats,
Akwekon kati sonkwashani.

Sewennio, takenikonbrahnirat
Asteson akatewefienton,
Sonbatsiwa akonnikonhraierit,
Sonbatsiwa akonnonwehake.

Iakowentaon akorennā.

Shetenr, Sewennio,
Iakwatatenonkwe
Tsi tieseronniatha
Ieronhiakens nonwa;
Ieronhiakentakwa
Eso tsi ronwaskaneks
Taiesakanerak
Tsi ionweson kowa.

Sariwison wahi aiontatienawase
Ontateniha, ontatien okonha;
Ne kati wahonni koniennitense.
Sasheiatinont ionkiiateweton.

Sariwison oni aiontatitenrheke
Rontatekenson onwentsiake iien,
Tosa takwawennonti, sasheiatontako
Iakiiienterihne, ionkwatenro kenha.

Hetsennhaon, Sewennio,
Raronhiakehronon
Tabawistotarisi
Tsi ronwasaronte;
Asehiarann niha
Sanekwensa kenha
Ne tionekwahonne
Tsi tekaiafonte.

Ratironhiakehronon raotirennā.

Ise Sewaronhiakehronon,
Akwa sewatkonseriios,
Niio satesonkwawennio
Tiotkon sewakwekonhaties.

Tiohton ni sewaiatitenson
Tiohton ni sewentiohkwake,
Iah'a'airon nonwentsiake
Toni tsiion karonhiake.

Akwa ehneken ratiatare
Wise, Kafrie, Rafae,
Neh akwa ratissennowanena,
Akwa ratiatanoron.

Tsini sonkwanonwes ne Niio,
Tewaiataton sonkwawi
Saiatat raronhiakehronon
N'asonkwatsteristonhatie.